

佛 法 說 地

佛 學 小 叢 書

上 海 佛 學 書 局 印 行

佛法說地目錄

(一) 南洲閻浮提

(甲) 國封所產

(乙) 山

1 崑崙寶山爲五百羅漢所居

2 閻浮提十大山

3 地大動有八種緣

(丙) 樹

1 千光明國樹出法音

2 神藥樹

3 大藥樹

4 五面益物大樹

5 大象藏香

6 牛頭旛檀香

7 須彌南樹

8 毒樹

(丁) 河海

1 四大海

2 五大河

3 大海有八德

(戊) 寶珠

1 明月摩尼珠

2 生寶珠

3 光明本

(二) 北洲鬱單曰

佛法說地

(一) 南洲閻浮提

(甲) 國封所產

閻浮提內有十六大國。八萬四千城。八國王。四天子。東有晉國。按卽指中華。天子人民熾盛。南有天竺國。天子土地多名象。西有大秦國。天子土地饒金璧玉。北有月氏國。天子土地好馬。八萬四千城中。六千四百種人。萬種影響。五十六萬億丘聚。魚有六千四百種。鳥有四千五百種。獸有二千四百種。樹有萬種。草有八千種。雜藥有七百四十種。雜香有四十三種。寶百二十一種。正寶七

種海中有二千五百國。百八十國食五穀。二千三百二十國食魚
鱉。龍。

五國王。一王主五百城。第一王名斯梨國。土盡事佛。不事衆邪。第
二王名迦羅。土地出七寶。第三王名不羅。土地出四十三種香及
白瑠璃。第四王名闍耶。土地出必鉢胡椒。第五王名那頗。土地出
白珠及七色琉璃。五大國城多黑短小相。去六十五萬里。從是但
有海水。無有人民。去鐵圍山百四十萬里。

中一八崛摩殺人處。在舍衛國東八萬十里。佛所化處亦一處。拘
夷那竭國。在迦維羅國之東南一千里。王舍國。在迦維羅衛國之

東南二千二百里。佛得道處。在王舍城東南二百里。維耶離國。在迦維衛國之東一千八百里。捺女國。在維耶離城南三里道西。拘賤彌國。在迦維羅衛國之西南千二百里。葉波國。在迦維羅衛國之東千二百八十里。難國。在迦維羅衛國之東三千二百里。舍衛國。在迦維羅衛國之西五百里。波羅捺國。在迦維衛國之西九百六十里。佛轉法輪處。在波羅捺國之北二十里。樹名香淨。降伏魔處也。波羅捺私國。在舍衛國之南千四百里。中間有恆水東南流。耆闍崛山有五百岳。佛誦經在中岳。王舍國在中岳之下。出十二遊經問曰。如舍婆提迦毗羅婆。波羅捺城。皆有諸王王舍。何故獨名此。

城爲王舍。答曰。有人言。是摩伽陀王。有子一頭兩面四臂。時人以爲不祥。王裂其身首。棄之曠野。羅刹女鬼名梨羅。還合其身而乳養之。後大成。人力并諸國。取萬八千王。置此五山中。以大力勢治閻浮提。因名此山爲王舍城。復次有人言。摩伽陀王先所住城中失火。一燒一作如是。至七國人疲役。王集諸智人問其意。故有言宜應易處。王見此五山周匝如城。卽作宮殿於中止住。故名王舍城。復次往古世時。此國有王名婆藪。厭世出家學作仙人。時居家婆羅門與諸出家仙人共論議。居家婆羅門言。天祀中應殺生噉肉。出家仙人言。不應共諍。云云。諸出家婆羅門言。此有大王出家。

作仙人。汝等信不。居家婆羅門言。出家仙人言。我以此人爲證。後日當問。居家婆羅門先到婆藪所。語婆藪仙人。明日論議。汝當助我。諸出家仙人問。天祀中應殺生噉肉不。婆藪仙人言。應殺生噉肉。此生在天祀中死。故得生天上。出家仙人言。汝大不是。汝大妄語。卽唾之言。罪人滅去。時婆藪仙人尋陷入地沒踝。是初開大罪門。諸出家仙人言。汝應實語。若故妄語者。汝身當陷入地中。婆藪言。我知爲天故。殺羊噉肉無罪。卽陷至膝。如是稍沒至腰至頸。出家仙人言。汝今妄語。得現世報。更以實語。雖入地下。我能出汝。令得免罪。婆藪思惟。我貴重人。不應兩種語。又四韋陀法中讚祀天。

法我一人死當何足計。一心言。應天祀中殺生噉肉無罪。於是舉身投地。從是以來。常用婆藪仙人法。於天祀中殺羊。當下刀時。言婆藪殺汝。藪之子名曰廣車。嗣位爲王。亦厭世法。而不能出家。如是思惟。我父出家。生入地中。若治天下。復作大罪。我今當何以自處。時空中聲言。汝若行見難。值希有處。應是中作舍住。未經幾時。王出田獵。見有鹿走疾如風。王便逐之。百官侍從無能及者。前見五山周匝峻固。其地莊嚴。有天華香聞。天伎樂。是處希有未曾所見。今我正當此中舍住。卽捨本城住此山中。從是已後。次第止住。故名王舍城。

出大智論
第三卷

(乙) 山

(1) 崑崙寶山爲五百羅漢所居

崑崙山者。則閻浮利地之中心也。山皆寶石。周匝有五百窟。窟皆黃金。常五百羅漢居之。阿耨大泉周圍山外。山內平地。河處其中。河岸有四金獸頭口流出水。各繞一匝。還其四方。投入四海。象口所出者。則黃河是也。其泉方各二十五由延。深二十一里。泉中有金台。台方一由延。台上有金蓮華。以七寶爲莖。如來將五百羅漢。常以月十五日於中說戒。出興起行經上卷

(2) 閻浮提十大山

大地有十大山王。一雪山王。二香山王。三軻梨羅山王。四仙聖山王。五由乾陀山王。六馬耳山王。七尼民陀羅山王。八斫迦羅山王。九宿慧山王。十須彌山王。出華嚴經第二十二卷

(3) 地大動有八種緣

佛在舍衛城告諸比丘。有八因緣而地大動。此地深六十八千由延。爲水所持。水依虛空。或復是時虛空風動。而水亦動。水動地便大動。是初動也。若比丘得神足所欲自在。觀地如掌。能使地大動。是二動也。若復諸天有大神足有大威力。能使地動。是三動也。若復菩薩在兜率天。欲降神下生。是時動地。是四動也。若菩薩自知

在母胎地爲大動。是五動也。若菩薩知滿十月當出母胎。地爲大動。是六動也。若菩薩出家於道場坐。降伏魔怨。終成等覺。地爲大動。是七動也。若如來於無餘涅槃界。而般涅槃。是八動。出增一阿含第二十四卷

(丙) 樹

(1) 千光明國樹出法音

過去有佛號師子吼鼓音王。國名千光明。七寶成樹。樹出空無相。無作無生無所有無取相。如是諸法之音。出諸法無行經

(2) 神藥樹

有神藥樹。名曰摩陀祇主厭。天下方毒不得妄行。有大神蛇。身長百二十丈。蛇行索食。有黑頭蟲。身長五丈。蟲行道中。與蛇相逢。適欲舉頭前斷大蟲。蛇聞藥香。屈頭欲去。蛇身羅藥樹身。卽中斷。分作兩段。頭半生得走。尾便臭爛。諸毒聞此蛇臭。諸惡毒氣皆消滅。

出善信
經下卷

(3) 大藥樹

雪山頂有藥王樹。名非從根生。非不從生。縱廣六百八十萬由旬。下極金剛際。此樹生根時。閻浮提樹一切根生。若生莖時。及枝葉華果時。閻浮提樹一切悉生。枝葉華果。其樹根能生莖。莖能生根。

是故名曰不從根生。非不從根。於一切處悉能生長。唯除地獄深坑。及水輪中。不得生長耳。出華嚴經第三十卷

(4) 五面益物大樹

昔者有王。王名物獵。國中有樹名羣波提洹。五百六十里圍。下根周匝八百四十里。枝四布匝二千里。樹有五果。道有五面。一面支國王與宮諸伎女共食其果。二面者大臣百官皆共食之。三面者人民共食之。四面者諸沙門道士共食之。五面者飛鳥蟲獸共食之。果皆如二斗瓶。其味如蜜。樹無守者。果分物不相侵。時人皆壽八萬四千歲。時人有九種病。一者寒。二者熱。三者飢。四者渴。五者

大便。六者小便。七者愛欲。八者食多。九者年老。女人年五百歲。爾
乃行嫁。出阿難念經

(5) 大象藏香

人中有香。名大象藏。因龍鬬生。若燒一丸。興大光明。細雲覆上。味
如甘露。七日七夜降香水雨。若著身者。身則金色。若著衣服。宮殿
樓閣。亦悉金色。若有衆生得聞此香。七日七夜歡喜悅樂。滅一切
病。無有枉橫。遠離恐怖危害之心。專向大慈。普念衆生。我知彼已
而爲說法。令無量衆生得不退轉。出華嚴經第四十二卷

(6) 牛頭旃檀香

牛頭旃檀香。從離垢山生。若以塗身。火不能燒。出華嚴經第四十二卷

(7) 須彌南樹

須彌山南有一大樹。高四千里。諸鉢叉鳥恆栖其上。樹常不動。有一小鳥。形類鶉鷃。住止其上。樹輒震撫。鉢叉問樹神言。汝無知。我身重大而自大動。小鳥來時反更震搖。神言。此鳥雖小。從海底食一金剛。金剛爲物。所墮之處無不破散。所以大怖不能自安耳。出

卷譬喻經第七卷

(8) 毒樹

舍衛國有官園。生一毒樹。男女遊觀。停息其下。或頭痛欲裂。或腰

脊疼。或於樹下終。守園人。施長柯斧。長一丈有餘。遙斫去之。未經旬日。生已如故。如是多過。枝葉隨後。如舊團圓。樹中之妙。衆人見者。無不歡喜。不知忌諱。皆來遭此。園人宗親。貪樂樹蔭。盡取命終。園人隻立。晝夜愁憂。號悲行走。有向智人語之。當盡其根。適欲掘根。復恐定死。進更思惟。出家學道。佛言。

伐樹不盡根。雖伐猶復生。伐愛不盡本。數數復生苦。

心寤剋責。卽得初果。出斫毒樹經

(丁) 河海

(1) 四大河

復有四大河。從阿耨大池出。流趣大海。一名嚩伽。二名辛頭。三名
蔔叉。四名司陀。彼嚩伽從金象口出。繞池一匝。流趣東海。彼辛頭
從銀牛口出。繞池一匝。流趣南海。彼蔔叉從琉璃馬口出。繞池一
匝。流趣西海。彼司陀者。從玻黎師子口出。繞池一匝。流趣北海。彼
四大河。各有四河。以爲眷屬。唯說廣大有名字者。然彼四河各有
五百眷屬。合有二千河。終趣大海。生毗婆阿
第二卷

(2) 五大河

西流者名恆。南流者名耶云。東流者有兩。一名沙陸。一名阿責越。
北流者名墨。皆流澍于海。立天地來。雨落河澍。水無增減。去其舊